

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

#### **Foru Gobernu Kontseiluaren 107/2020 Erabakia, otsailaren 25ekoa. Onespena ematea Arabako Foru Aldundiko foru kargu publikoen eta behin-behineko langileen ordainsariak igotzeari**

Ordainsariak direla eta funtzio publikoan indarrean dagoen lege araubidea hauek arautzen dute: enplegatu publikoaren oinarrizko estatutuaren testu bategina onesten duen urriaren 30eko 5/2015 Legegintzako Errege Dekretuak, Euskal Funtzio Publikoaren 6/1989 Legeak, haiek garatzen dituzten hainbat arauk, eta, bereziki, Euskal Administrazio Publikoetako Funtzionarioen Ordainsarien uztailaren 30eko 207/1990 Dekretuak.

Arau horiekin bat etorritik, oinarrizko ordainsarien (soldata, hirurtekoak eta aparteko ordainsariak) zenbatekoa Estatuko Aurrekontu Orokorren Legeak zehazten ditu; destino osagarriaren zenbatekoa, Euskal Autonomia Erkidegoko Aurrekontuen Legeak, eta berariazko osagarria eta ordainsari osagarriak, Euskadiko administrazio publikoek.

2020ko urtarrilaren 21eko 2/2020 Errege Lege Dekretuaren bidez, sektore publikoko ordainsariekin lotutako presako neurriak onetsi ziren.

Errege lege dekretu horrek zioen azalpenean adierazten duenez, 2018rako aurrekontuak gaur egunera arte luzatu izanaren ondorioz beharrezkoa da arau hau onestea, sektore publikoko langileen ordainsariak igo ahal izateko, 2020ko urtarrilaren 1etik aurrerako ondorioekin. Hain zuzen ere, 3. artikuluko 2. apartatuak honela dio:

“2020an, sektore publikoan lan egiten duten langileen ordainsariak ezingo dira handitu oro har ehuneko 2 baino gehiago, 2019ko abenduaren 31n indarrean zeuden ordainsarien aldean, konparatzen diren bi aldietan homogeneotasunez jokatzeko, hala langile kopuruari nola haien antzintasunari dagokionez”.

Gobernu Idazkaritzaren eta Parlamentuarekiko Harremanen zuzendariaren otsailaren 4ko 20/2020 Ebazpenaren bidez, Euskadiko Autonomia Erkidegoko administrazioaren zerbitzura diharduten langileen 2020. urterako ordainsarien igoerak onetsi ziren, eta erabaki horren hiru-garren apartatuan zehaztu zen 2020. urterako destino osagarriaren zenbatekoa.

Arabako Lurralde Historikoaren 2020rako aurrekontua gauzatzeko abenduaren 17ko 24/2019 Foru Arauak honako hau ezartzen du 25.1 artikuluan:

“Arabako Foru Aldundiko, foru erakunde autonomoetako eta foru sozietate publikoetako eta foru fundazioetako eta foru partzuergoetako langile funtzionarioen eta lan kontratudun langileen 2020rako ordainsari osoak foru arau honetan ezarritakoaren arabera handituko dira, 2019ko abenduaren 31n indarrean zirenen aldean, konparatzen diren bi aldietan homogeneotasunez jokatzeko, hala langile kopuruari nola haien antzintasunari dagokionez, eta, betiere, Estatuaren oinarrizko legedian ezarritako mugak gainditu gabe”.

Foru arau horren 25.3 artikulua, halaber, hau xedatzen du:

“Foru kargu publikoetan ari diren pertsonen ordainsariei enplegatu publikoen ordainsarientarako ezartzen den gehikuntza ehuneko bera aplikatuko zaie 2020ko ekitaldian, produktibitatea barne. Nolanahi ere, ordainsari horiei uztailaren 11ko 10/2018 Foru Arauak, foru kargu publikoetan aritzea arautzen duenak, xedatzen duena aplikatuko zaie”.

Eta foru arau horren 25.4 artikulua hau xedatzen du:

“Behin-behineko langileen lanpostuek, berriz, lanpostu horiek funtzionarioen zein lanposturen parekotzat jo diren, bada funtzionarioen lanpostu horien ordainsari berberak izango dituzte, edo, hala balegokio, orokortasunez ezarritako lanpostuen sailkapeneko prozeduraren bidez ezarriko dira”

Aurrekontu zuzkidura nahikoa dagoenez gero, bidezkoa da Arabako Foru Aldundiko kargu publikoen edo behin-behineko langileen ordainsariak ehuneko 2 igotzea, 2019koen aldean.

Gauzatu da langileen ordezkarietako negoziazioa.

Arabako Lurralde Historikoko aurrekontua gauzateari buruzko Foru Arauan ezarritakoarekin bat etorriz, aztertu da Kontuhartzailatza eta Kontrol Zerbitzuak eman duen aurretiazko fiskalizazioaren aldeko 188/2020 zenbakiko txostena.

Bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuak hala proposatuta, eta bat etorriz ondoren aipatzen diren foru dekretuek ezarritakoarekin: Arabako Foru Aldundiaren Sailak zehazten dituen Diputatu Nagusiaren uztailaren 5eko 324/2019 Foru Dekretua –diputatu nagusiaren uztailaren 19ko 345/2019 Foru Dekretuak aldatua–, Funtzio Publikoaren Arloko Eskumenak ezartzen dituen Diputatuen Kontseiluaren uztailaren 30eko 154/1993 Foru Dekretua, eta funtzio publikoaren gaitan eskumena duen sailaren egitura organikoa eta funtzionala onesten duen otsailaren 9ko 10/2016 Foru Dekretua,

#### XEDATZEN DUT

Lehenengoa. Onestea Arabako Foru Aldundiko kargu publikodunen eta behin-behineko langileen ordainsariak ehuneko 2 igo daitezela, 2019koekin alderatuta, 2020ko urtarrilaren 1etik aurrerako ondorioekin.

Bigarrena. Erabaki honen aurka administrazioarekiko auzi errekurtsua jarri ahal izango da, bi hilabeteko epean, Gasteizko Administrazioarekiko Auzi Errekurtsioetarako Epaitegiaren aurrean, edo bestela, berraztertze errekurtsua, hilabeteko epean, ebazpena eman duen erakundearen aurrean; hori guztia, Administrazioarekiko Auzien Jurisdikzioa arautzen duen uztailaren 13ko 29/1998 Legearen 46.1. artikuluan aurreikusitakoaren arabera eta Administrazio Publikoaren Administrazio Prozedura Erkidearen urriaren 1eko 39/2015 Legearen 123. artikuluaekin lotuta.

Vitoria-Gasteiz, 2020ko otsailaren 25a

*Diputatu nagusia*

**RAMIRO GONZÁLEZ VICENTE**

*Bigarren diputatu nagusiordea eta Enplegu, Merkataritza eta*

*Turismo Sustapenaren eta Foru Administrazioaren Saileko foru diputatua*

**CRISTINA GONZÁLEZ CALVAR**

*Funtzio Publikoko zuzendaria*

**ADOLFO LANDER VERA**